

摛藻堂四庫全書薈要

集部

欽定四庫全書叢書要

集部

劍南詩藁卷三十八

詳校官助教臣謝登雋



欽定四庫全書 蓋要卷一萬五千五百二十八

集部

劍南詩稿卷三十八

宋 陸游 撰

秋懷

霜高殘菊更芬芳人皆有舌是非在刼未成灰時世長
三百里湖行自復子孫努力事耕桑

鏡湖廢百七十餘年故吾鄉多古會

有復
之者

吳體寄張季長

九月十月天雨霜江南劍南途路長平生故人阻攜手
萬里一書空斷腸人生彊健已難恃世事變遷那可常
兩家子孫各長大他年窮達母相忘

嘲畜猫

甚矣翻盆暴嗟君睡得成但思魚饜足不顧鼠縱橫欲
騁銜蟬快先憐上樹輕朐山在何許此族最知名俗言
猫為

虎舅教虎百為惟不教上樹
又謂海州猫為天下第一

立冬日作

室小財容膝牆低僅及肩方過授衣月又遇始裘天寸
積篝爐炭銖稱布被綿平生師陋巷隨處一欣然

初冬

志士逢秋已自傷老人况復惜年光正看溪碓春粳滑
又見山坡下麥忙桐落井牀多槁葉菊殘衫袖尚餘香
讀書有課真當勉剝貯明膏伴夜長

是日方買油

醉題

生來避世傲公卿
海內無人識姓名
九節筇邊秋萬里
長明燈下雨三更
心安白髮何勞掃
藥熟黃金固可成
只待蓬壺賦詩罷
却來京洛看昇平

新作火閣

旋設篝爐下紙簾
樂哉容膝似陶潛
囊中佩藥無時服
架上堆書信手拈
似玉秋菰殊未老
如雲宿麥不須占
掃空祠祿吾何欠
陋巷簞瓢易屬厭

祠祿止此月

又

山路霜清葉正黃
地爐火緩夜偏長
中安煮藥膨脹鼎
傍設安禪曲柔牀木槁不知年
自往雲間已與世相忘
更闌坐穩人聲靜時聽風簾響暗廊

舍北行飯

蔓絡疎籬草滿塘
飽嬉聊復步斜陽
一霜驟變千林色
兩犢新犁百畝荒
野寺僧殘尚鐘鼓
官堤舟過見帆檣
歸來笑補空囊課
寒日誰知亦自長

遣興

轍迹當年遍九州晚歸始解臥林丘愛身每戒玉抵鶴
養氣要如刀解牛柔艤搖殘天鏡月短筇領盡石帆秋
儘言未辦常扃戶竟是吾身得自由

又

出仕纔堪斗大州初歸便擬築糟丘虛名大似月蟾兔
榮路久如風馬牛唧唧悲蛩常弔夜蕭蕭蠹葉更禁秋
靜觀世事頻興嘆千載前時有許由

舟中

柂邊潮水落還生蓬底寒燈滅復明約束長年牢繫纜

報人風雨有鼉鳴

又

蕭蕭風雨小江秋不是愁人亦合愁忽聽疎鐘知寺近

笑尋沙路上牛頭

又

龕山古戍更漏聲白墮小市燈火明六十年間幾來往
依然惻愴路傍情

雨夜感舊

雨來猛打窗燈暗猶照壁老人耿不寐撫事悲風昔風
生桔柏渡馬病金牛驛裏枝猿下飲登樹熊自擲危巢
窺鶻栖深雪見虎跡至今清夜夢猶想蟠山碧廢棄謝
功名老疾輒行役賦詩雖不工聊用慰今夕

夜聞落葉

我行出柴門初喜春草生俛仰幾何時落葉終夜聲嗟
我日益老抱疾況未平晨興就盥櫛顧亦強支撑齋中

有兩童熟視不能名定非張睢陽大笑顏冠纓死至人
所同此理何待評但有一可恨不見復兩京

閉門

閉門高卧鏡湖傍元自無閒可得忙泛罷杯觴餘菊苦
玩殘指爪帶橙香燈昏共度空階雨蛩冷偏依丈室牀
不待衰年宦情盡未來如鴈到衡陽

祠祿滿不敢復請作口號

今年高謝武夷君飯豆羹藜亦所欣參透莊生齊物論

掃空韓子送窮文心如脫穿奔林鹿迹似還山不雨雲
猶幸此身強健在鄉鄰爭看布襦席

又

祠庭八載竊榮名一飽心知合自營牘後落銜便手倦
月頭鐫俸喜身輕弊衣不補惟頻結濁酒難謀且細傾
賴有東皋堪肆力比鄰相喚事冬耕

又

白首還山不自存天書四降海邊村慙非故將前侯比

誤辱優賢養老恩龜壽自應能食氣鶴歸那得更乘軒

從今再草公車奏惟有桂冠神武門

過鄰家

扶杖過吾鄰相誇自在身年豐稱貸少酒賤往來頻羣
散雞歸柵聲喧雀噪困丁寧語兒子切勿厭沉淪

舍北野望

短景妨遊興長歌慰作勞葉凋西埭近水落北橋高病
每隨時劇衰難與世廬旗亭新釀美萬事一秋毫

又

斷壠圍蔬圃枯桑繫釣查經行橋獨木佇立路三义野
卉棲孤蝶平川起亂鴉楮笏無定處興盡即還家

又

溪杓通西崦山蹊繚北村殘霞明水面落葉擁籬根野
父編龍具樵兒習兔園吾今井蛙耳敢復慕鵬鯤

又

早歲遭逢異中年促召頻馳驅猶許國卧起已須人藥

石三秋病風波萬里身籬門殘照裏慘淡易傷神

書感

常記當年賦子虛公卿交口薦相如豈知鶴髮殘年叟
猶讀蠅頭細字書出處幸逃千載笑功名從負此心初
荒園落葉紛如積日暮歸来自荷鋤

冬夜爐邊小飲

擁爐可使曲身直飲酒能回槁面紅若使金丹真入手
飛騰亦在立談中

龜堂獨酌

幅巾蕭散餞餘齡江左諸賢可乞靈護枕小屏圖紫閣
映窗矮卷寫黃庭曠懷與世元難合幽句何人可遣聽
一酌蘭溪遺萬事時看牆底卧長瓶偶得蘭溪十餘樽清醇馥烈殆不可名

又

一榦蘭溪自獻酬徂年不肯為人留巴山頻入初寒夢
江月偏供獨夜愁越石壯心雞喔喔子卿歸信鴈悠悠

天生我輩初何用病骨支離又過秋

冬夜作短歌

飢鼠窺殘燈寒犬踏枯葉小室擁燎爐清笳下危堞老人素多疾舉動常畏怯衣裘視寒燠日夜自調燮食必按本草下箸未嘗輒體安疾自去藥石無此捷敢學李輕車霸亭夜遊獵况如馬新息萬里聽鳶跕欲求神氣住先戒事物接寧為子光瘠不效嗇夫喋明晨一杯粥跌坐橫白氈無魚何足道為爾歌長鋏

病愈

一
吉

出餘災自能洗研拂

倦榻呻吟每自哀占蓍來告
書几時亦折花尋酒杯久類寒蛟潛岫穴忽如老馬噴
風埃霜晴爛熳東窗日一笑山坡訪早梅

自遣

枳籬茅屋枕孤峯偃盡初來手種松睡少未成千里夢
愁深先怯五更鐘中天日月逢真主數畝桑麻伴老農
世事古今誰料得不堪波水照衰容

感舊

君不見資中名士有李石八月秋濤供筆力初為博士
不暖席晚補臺郎俄復斥諸公熟睨亦太息摧壓至死
終不惜生前何曾一錢直沒後遺丈價金璧後之視今
猶視昔此事誠非一朝夕山城舊廬暗荆棘羸然諸孫
守墳籍撫孤我負朋友責萬里詩成淚空滴

又

君不見蜀師渾甫字伯渾半生高卧墓頤村才不得施

道則尊死已骨朽名猶存文章落筆數千言上友離騷
下招魂望之眉宇何軒軒高談浩若洪河翻范尹敬如

綺與園方飾羔鴈登衡門小人謗傷實不根妄指拱璧

求瑕痕窮通在公豈足論浮雲終散朝陽敷安得此老

起九原入贊國論蘇黎元

范至能帥成都欲以遺逸起之嘆客有阻之者遂不果

寒雨中偶賦

鬢毛蕭颯齒根浮徂歲翩翩胥暫留窮巷多泥誰問疾
空階滴雨又經秋自營可笑誇三窟善守寧須築百樓

但使胸中機事盡一樽隨處送悠悠

又

算年心事與誰同到處飄然一病翁
斷夢淒涼燈影裏殘詩零落雨聲中
莫驚顏鬚賓渾非昨略數朋儕已半空
祠祿上還猶負媿何功班綴冠僂蓬

予官視
秘書監

壽考如富貴

壽考如富貴初亦不自知邂逅偶不死亦或至期頤予
少多疾恙五十已遽衰齒搖顙鬚白蕭然蒲柳姿俛仰

忽二紀卧病實半之富貴不可求壽亦豈汝私萬事付
自然孰為樂與悲惟當老益學易養以為期

午飯

我望天公本自廉身閒飯足敢求薰破裘負日茹簷底
一椀藜羹似蜜甜

又

民窮豐歲或無食此事昔聞今見之吾儕飯飽更念肉
不待人嘲應自知

題王仲信畫水石橫幅

王郎書逼楊風子畫亦憑陵蜀雨孫
豈是天公憎絕藝一生憔悴向衡門

治圃

槁蔓殘蕪滿幽圃多具鉏耰課僮豎
非惟吾圃要翦除亦恐爾輩成惰窳
老桂盤壑飽風霜脩篁當軒弄烟雨
一松孤立信豪傑兩槐對植如賓主珍禽揀枝春欲動
蠹穴掃空吾甚武蘚蕪芽蘖已暗長甘菊根芽亦潛吐

山薑澗蒲乃微草露葉參差看仰俯世間安得有遺才
位置要須令得所

冬日感興十韻

霧雨天昏曠陂湖地阻深蔽空鴉作陣暗路棘成林有
客風埃裏頻年老病侵夢魂來二豎相法欠三壬舊憤
開孤劍新愁感斷砧唐衢惟痛哭莊鳥正悲吟瘦跨秋
門馬寒生野店衾但思全舊壁敢冀訪遺簪樓上蒼茫
眼燈前破碎心長謠傾濁酒慷慨壓層陰

冬日出遊十韻

吳會寒常薄冬深畧未冰荒郊觀雉鬪大澤見魚騰釣
艇頻容借籃輿漸可乘有時穿密篠隨處倚枯藤金石
秦遺刻衣冠禹舊陵叢祠祈臘雪小市試春燈問路鉏
畬叟爭橋乞供僧疎狂違俗久衰疾與年增干祿雖知
恥懸車媿未能階官有微俸醉髮任鬍鬚

思蜀

園廬已卜錦城東柰驛歸來更得窮只道驛鶻開道路

豈知魚鳥困池籠石犀祠下春波綠金鴈橋邊夜燭紅
未死舊遊如可繼典衣猶擬醉鄴筒

又

二十年前客錦城酒徒詩社盡豪英才名吏部傾朝野
意氣成州共死生吏部郎字文紹奕袁自成州守宇文子震子友廢苑探梅常

共醉遺祠訪柏亦俱行即今病卧寒燈裏欲話當時涕
已傾

又

譚侯才氣敵文園

國子監丞 譚季壬德稱

日日銀鞍畫戰門奇句

入神聞鬼泣巨觥如海看鯨吞一官胄監能令死萬里
銘旌恩更論湖上秋來頻入夢憑誰詞翰與招魂

作雪

雪雲寒不動林鳥噤無聲病起衰何劇囊空醉不成中
原亂方作弱虜運將平臺省多賢俊常談媿老生

又

荒村雪欲作耄叟病無聊樹暝烏鳶集茆深雉兔騎溪

灘觀趁渡嶺路數歸樵即死無他憾終身負聖朝

戲咏山家食品

牛乳抨酥淪茗芽蓬蠶房分蜜瀆棕花舊知石芥真尤物
晚得萋蒿又一家疎索鄉鄰緣老病團園兒女且喧譁
古人不下藜羹美糲斟酌龜堂已太奢

耕罷偶書

新溉東臯畝一鍾烏犍麤足事春農灞橋風雪吟雖苦
杜曲桑麻興本濃老大斷非金谷友生存惟冀酒泉封

莫嘲野餉蕭條甚箭筈尊絲亦粗一作供

且

雨夜

末路蕭條客子心不堪徂歲更沉陰低簷雨滴睡眠少
敗壁燈殘感慨深不辨典衣謀盡醉尚能擁鼻作微吟
交朋一散如天遠試向今宵夢裏尋

菴中晨起書觸目

山重水複怯朝寒一卷窗間袖手看朱檣長瓶列雲液
絳囊細字拆龍團數峯移自侏儒國一研來從黯淡灘

要識放翁頑鈍處胸中七澤著猶寬

雲液揚州酒名近淮帥餉數十尊營

道小山及劙硯得自張

季長張仲欽適在案間

又

暉暉初日上簾鉤漠漠清寒透衲裘雪棘並棲雙鵠眼

金環斜絆一猿愁廉宣卧壑松楠老王子穿林水石幽

戲事自憐除未盡此生行欲散風迴

唐希雅畫鵠易元吉畫猿廉宣仲老

木王仲信水石皆
卷中所挂小軸

又

賦形不使面團團聳膊心知到骨寒晏子元非枕鼓士
杜生那有切雲冠時扶遷客枕榔杖日厭詩人苜蓿盤
賴是平生憎阿堵今年初解侍祠官

又

初歸誓墓老鄉邦手結茆茨近小江北諸露霑行藥屐
東廂日射勘書窗孤忠自信丹心折萬事空成雪鬢雙
長媿宗人白崖老贈行期我鹿門龐予自成都召還禱射洪白崖陸使君

得全家隱鹿門之篇

祠使君以杜詩為籤子

三山杜門作歌

我生學步逢喪亂
家在中原厭奔竄
淮邊夜聞賊馬嘶
跳去不待雞號旦
人懷一麌草間伏
往往經旬不炊爨
嗚呼亂定百口俱
得全孰為此者寧非天

又

高宗下詔傳神器
嗣皇御殿猶揮涕
當時獲綴鶼鷉行
百寮拜舞皆歔欷
小臣疎賤亦何取
即日趨召登丹陛
嗚呼橋山歲晚松柏寒
殺身從死豈所難

又

中歲遠遊踰劍閣青衫誤入征西幙
南沮水邊秋射虎大散關頭夜聞角
畫策雖工不見用悲吒那復從軍樂
嗚呼人生難料老更窮麥野桑村白髮翁

又

晚入南宮典牋奏濫陪太史牛馬走忽然名在白簡中
一擢還家傾臘酒十年光陰如電雹綠蓑黃犢從鄰叟
嗚呼古來骯髒例倚門况我本自安丘園

又

寬恩四賦仙祠祿每忍慙顏救枵腹五秉初辭官粟紅
一瓢自酌巖泉綠天公乘除不負汝宿疾微平歲中熱
嗚呼字字細讀逍遙篇此去八十有幾年

老境

白髮短欲盡人喚心尚孩埋盆池蘚灑累瓦墻崔嵬
軟飯三春米醇醪九醞醅忽然拈筆起記著早梅開

又

今日霜殊重衰翁老可憐朝晡兩炊火覆藉一牀氈人
客容稱疾兒童不攬眠雲閑見殘日更愛小窗妍

記戊午十一月二十四夜夢

街南酒樓粲丹碧萬頃湖光照山色我來半醉躡危梯
坐客驚顧聞飛屐長綰短帽黃紈裘從一山童持藥笈
近傳老仙嘗過市此翁或是那可識逡巡相語或稽首
爭獻名樽寄餘瀝我欲自言度不聽亦復軒然為專席
高談方縱驚四座不覺鄰雞呼夢破人生自欺多類此

撫枕長謠識吾過

六經示兒子

六經如日月萬世固長懸學不趨卑近人誰非聖賢馬能龍作友螭乃瓮為天我老空追悔兒無棄壯年

舍北晚步

漠漠炊烟村遠近蓼蓼儻鼓埭西東三义古路殘蕪裏一曲清江淡靄中外物已忘如棄屣老身無伴等羈鴻天寒寂寞籬門晚又見浮生一歲窮

對酒

老子不堪塵世勞且當痛飲讀離騷此身幸已免虎口
有手但能持蟹螯牛角掛書何足問虎頭食肉亦非豪
天寒欲與人同醉安得長江化濁醪

夜坐求酒已盡喟然有賦

澹月微霜夜漏徂披裘不睡附寒爐清笳嫋嫋已三更
殘火熒熒纔一株報國無期心欲折讀書自力眼將枯
麴生作態年來甚不受閒人折簡呼

食粥

張文潛有食粥說謂食粥可以延年予竊愛之

世人箇箇學長年不悟長年在目前我得宛丘平易法
只將食粥致神仙

寒夜

堅冰塞川厚莫測斷鴈叫群聲可哀草園小甕酒未熟
霜壓瘦枝梅不開禪子忍寒守蠹簡老夫忘睡畫爐灰
低頭就世吾所諱千載伯鸞安在哉

梅花

五十年間萬事非
放翁依舊掩柴扉
相從不厭閒風月
只有梅花與釣磯

又

山村梅開處處香
醉挿烏巾舞道傍
飲酒得仙陶令達
愛花欲死杜陵狂

又

一花兩花春信回
南枝北枝風日催
爛熳却愁零落近

丁寧且莫十分開

又

廣寒宮中第一仙情深不碍韻超然
勸君莫作兒女態但向花前傾玉船

又

秭歸江頭煙雨昏客舟夜繫梅花村相逢萬里各羈旅
不待猿啼已斷魂

又

青羊宮前錦江路曾為梅花醉十年豈知今日尋香處

却是山陰雪夜船

三山卜居今三十有三年矣屋漏甚而地有餘數
世之後當自成一村今日病少間作詩以示後人
印累累綬若若換君朱顏君不覺冠如箕劍柱願蒼頭
廬兒笑君癡不如短褐歸鄉舍上卑租庸下婚嫁橫陂
引水蒔禾黍高陸犁荒種桑柘比鄰畢出觀夜場老稚
相呼作春社雞爭春米茅簷底犬吠行人槿籬鱗數椽
幸可傳子孫此地他年名陸村藜羹一飽能世守殊勝

養牛并上尊

又

再見封侯未為快一擲成盧安用再世間得意固多矣
堪笑窮人事常敗我生出仕四十年寸進恰如船上埭
即今卧病茅簷裏回首窮通竟何在荆山之下玉抵鵠
兩京春薺論斤賣蘇秦煌煌佩六印尼父栖栖厄陳蔡
元傑美官輒見思東野出門常有碍躬耕至老豈不佳
子孫當以吾為戒

南園觀梅

小嶺清波寂寞中綠樽歲晚與君同高標賴有詩人識
絕艷真窮造物工正喜參差橫夜月又驚零落付春風
老諳世事寧多歎身自人間一轉蓬

歲盡苦寒

曉寒無賴透重裘三日江雲暝不收歲月推移吾輩老
交朋零落此生浮東臯苦潦猶中熟舊疾雖存亦小瘳
禹廟蘭亭俱在眼剝沽春酒破春愁

己未新歲

錢歲愁雖劇迎年喜亦深桃符帶草寫耕酒過花斟車
馬久無迹兒孫聊慰心更欣春意早處處有鳴禽

歲首書事

東風入律寒猶劇多稼占祥雪欲成

雲陰作雪彌旬至
開歲雪意愈濃明

日戌初立春猶可為臘雪也
鬱壘自書誇腕力屠蘇不至歎人情

今歲

無餽者

屠

呼

盧院落

譁新歲

鄉俗歲夕聚謂之試年庚

博

賣

賣困兒童起

五更

立春未明相呼賣

困亦舊俗也

賣

白髮滿頭能且健剩隨鄰曲樂

昇平

又

扶持又度改年時耄齒侵尋敢自期中夕祭餘分餽飪

鄉俗以夜分畢祭享長幼共飯其餘又歲日必用湯餅謂之冬餽飪年餽飪

黎明人起換鍾

道春盤未抹青絲菜

今年正月二日立春

壽筭先酬白髮兒聞道

城中燈絕好出門無日嘆吾衰

客來多言歲上元燈甚盛

初春

元日人日來聯翩轉頭又見試燈天且欣一雪壓災瘴

不怕連陰咽管絃陌上漸多酤酒舍岸邊初理下湖船
紫姑擬卜元無事只問今春幾醉眠

菴中獨居感懷

身愈龍鍾髮愈稀流年冉冉迫殘暉讀書十紙勤雖在
上樹干回事已非仗馬曾鳴宜取斤牧羝雖乳亦忘歸
餘生自笑知何似萬里遼天老令威

又

自閉菴門不點燈惰耕村叟罷參僧一生已是膠黏日

投老安能夏造冰頑面敢辭乾汝唾蔬餐聊得曲吾肱
高春睡熟無多笑那有禪師解放鷹

又

無錢溪女亦留魚有雨東家每借驢藜粥數匙晨壓藥
松肪一椀夜觀書黃紬被暖閒無厭白布衫長樂有餘
南陌東阡春事動放翁作計未全疎

戲作貧詩

垂老貧彌甚虛教遇太平竈間無馬穴釜冷有魚生妾

病常停織兒飢屢輟耕癡頑惟此老未廢浩歌聲

又

左券頻稱貸西成少蓋藏苦飢炊稻種緣病賣桑黃土
焙憐煙煖藜羹愛糝香君看首陽叟窮死亦何傷

春日園中作

杏花開過尚輕寒盡日無人獨倚闌久別名山憑夢到
每思舊友取書看塵埃幸已賒腰折富貴深知欠面團
老去逢春都有幾一杯行復送春殘

中春連日得雨雷亦應候

誰言白首意低摧老子逢春亦樂哉犁畔方吹社公雨
壠頭又轉阿香雷睡餘支枕聽鶯語醉裏題窗記燕來
更有山家堪喜事吾孫上樹欲千回

德孫幼病足今已行步健甚

雨後微陰光景益奇復得長句

結轍軒車已掃空揮犀談笑與誰同日消淺醉間吟裏
春在輕陰薄靄中百尺遊絲喜風定一雙新燕說泥融
天工只費須臾力開遍東闌半丈紅

春日小園雜賦

久矣雲霄鏃羽翰小園聊得賦春寒

魯望有春寒賦

風生鴨綠

紋如織露染猩紅色未乾不向山丘嘆零落且從兒女

話團棗人言麥信春來好湯餅今年慮已寬

又

市塵不到放翁家繞麥穿桑野徑斜夜雨長深三尺水
曉寒留得一分花悶從鄰舍分春瓮閒就僧窗試露芽
自此年光應更好日驅秧馬聽繅車

簡鄰里

今年意味報君知屬疾雖頻未苦衰獨坐空齋如自訟

三舍法行時嘗上書言事者屏置一齋曰自訟

小鎬殘俸類分司

樂天詩猶彼妻孥教漸退且分司

閒擣野艇漁蓑濕亂挿山花醉帽欹有興行

歌便終日逢人那識我為誰

客叩門多不能接往往獨坐至晚戲作

貧舍久疎羅酒漿客來不復倒衣裳官情已盡詩情在
世味無餘睡味長紅練帶飛穿柳去錦熏籠暖撲簾香

蕭然自笑渾無事漁唱聲中又夕陽

園中偶題

綠衣粲粲味微丹映葉穿枝立畫欄莫戀主人驚不去
五陵年少有金丸

入

春深無處不春風數樹桃花乃爾紅鶯蝶紛紛自常事
不應也著白頭翁禽名

又

憶向彭州取牡丹蠟封馳騎露初乾如今歷盡人間事
縱有姚黃亦嬾看

又

九日春陰一日晴不堪風駕浪花生畫船欲解還歸卧
寂寂窗扉聽鳥聲

北窗偶題

雨叢香百合一架粉長春堪笑龜堂老歡然不記貧

又

曉晴林鵲喜晝暖蜜蜂喧我老詩情盡逢春亦一言

又

簾外燕翩翩歸時在社前不辭飛渡海來看賽豐年

又

煙波兩鷓鴣宵為放翁來菰米猶能給蒼顏得屢開

沈園

城上斜陽畫角哀沈園非復舊池臺傷心橋下春波綠

曾是鶯鴉照影來

又

夢斷香消四十年沈園柳老不吹綿此身行作稽山土
猶弔遺蹤一泣然

劍南詩稿卷三十八

欽定四庫全書

會要卷一萬五千五百二十九

集部

劍南詩橐卷三十九

宋 陸游 撰

戲贈園中花

橫風疾雨為花厄
霽日暄風又不禁
我欲小施調燮手
酌中寒暖半晴陰

春思

兀兀治聾酒未醒
霏霏澄火雨初晴
愁看入戶桃花片

閒聽爭巢燕子聲百疾侵陵成老大一春轉盼又清明
蘭亭禹廟渾如昨回首兒時似隔生

贈燕

燕來我何喜感此中春時燕去亦何有無奈凋年悲四
序如循環萬物更盛衰我亦寓斯世如客會當歸驪車
已在門戀戀終何為達人付無心欣欣兩俱非豈有天
壤間會合無別離對花不爛醉燕子箋汝癡

雨悶示兒子

東吳春雨多略無三日晴濛濛平野暗淅浙空階聲百
花雨中盡三月未聞鶯重裘坐奧室時序真強名亦欲
借驢出泥淖沾衣纓撫事每累歎濁膠聊獨傾景運今
方開闢輔一日平我家本好疇灞澗可躬耕買酒新豐
市看花下杜城會當與汝輩藉草作清明

讀晉書

諸公日飫萬錢厨人乳蒸豚玉食無誰信秋風雒城裏
有人歸棹為蓴鱸

春晚苦雨

垂老卧村墅餘寒欺病身雞猶未忘旦雨欲不容春忽
忽花時過茫茫草色勻萼絲已上市一飯未傷貧

燕

春晝花明映柳纖燕歸勝事始能薰爭梁許語驚幽夢
掠地斜飛避畫簾雛食得蟲應自喜巢泥經雨更頻添
去來要是知時節常怪人嘲作附炎

夜雨

空階雨聲夜轉急
壁疎窗破淒風入一燈
嫋嫋吹欲滅
老生獨傍書架立
取書欲讀輒復休
却行出門搔白頭
市樓賣酒日千斛
衆人皆樂君胡憂

寒食日九里平水道中

曉雨絲絲熟食時
泥深輒斷客行遲
亂雲重疊藏山寺
野水縱橫入稻陂
馬鬢松陰封舊隴
龜趺道左立新碑
扶衰此出知能幾
清淚臨風不自持

春晴自雲門歸三山

乍行春野眼增明漸減春衣體倍輕人賣山茶先穀雨
鴉隨墻祭過清明柳塘水滿雙鳧戲稻龍泥深一犢行
晚到三橋泛舟去掩闌不復畏重城

予數年不至城府丁巳火後今始見之

陳迹闕心已自悲劫灰滿眼更增歛山川壯麗昔無敵
城郭蕭條今已非寧堵招提俱昨夢祝融回祿尚餘威
故交減盡新知少縱保桑榆誰與歸

晚自北港泛舟還家

舒嘯蓬籠底經行畧涉西水深鵝唼草雨細犧掀泥醉
倚乾坤大閒知物我齊衡門觸冠過聊得賦幽棲

書懷

羸馬常愁趁早朝斥歸幸復倡漁樵青黃未勝溝中斷
宮徵何如爨下焦心樂簞瓢同鼎食身安山澤謝弓招
數間茅屋誰知處煙雨濛濛隔斷橋

初夏

淡靄輕颸入夏初一窗新綠鳥相呼出門易倦常歸卧

著句難工但自娛花徑蝶閒無墮葉酒樓人散有空壚

閩川茶籠猶霑及肺渴朝來頓欲蘿

閩中貢餘
茶初至

小築

放翁小築寄江郊屋破隨時旋補茅幕看白煙橫水際
曉聽清露滴林梢生來不啜猩猩酒老去那營燕燕巢
目斷鹿門三太息龐公千載可論交

喜雨

幽人睡覺夜未央四簷懸溜聲浪浪樂哉甘澍及時至

九衢一洗塵沙黃明朝鄰曲各歡喜賽廟沽酒割猪羊
不勞轆轤蹋龍骨轉盼白水盈陂塘呼兒掃地設管席
與汝一醉歌時康宣惟磨鑣待收麥小覩已覺吳粳香

晨起

天公擇地養衰殘著向桑村麥野間曉色入簾初惺漾
幽禽窺戶已閒關酒徒散去稀中聖詩思衰來媿小山
一炷沉烟北窗底曲肱卧看不勝閒

五月初病體益輕偶書

世事紛紛了不知又逢燕乳麥秋時
經年謝客常因醉三日無詩自怪衰
棄雨旋移西崦藥留燈重覆北窗棋
但將生死俱拈起造物從來是小兒

己未重五

時已請老

門楣東艾作神人團糉盤中節物新
安用丹書禳赤口風波雖惡不關身

五月七日拜致仕勅口號

剗曲東歸日醉眠冰銜屢忝武夷仙
恩如長假容居里

官似分司不限年一札疏榮馳廐置兩兒扶拜望雲天
坐糜半俸猶多媿月費公朝二萬錢

又

黃紙東來墨未乾孤臣恩許挂朝冠小兒扶出迎門拜
隣舍相呼擁路觀白首奉身歸畝畝清霄無夢接鶴鸞
從今剩把花前酒憂患都空量自寬

致仕後即事

休官拜命不勝榮墨涇黃新照眼明絡繹交親來作賀

腔羊酒簷擁柴荆

又

敕過鸞臺鳳閣來清晨初拆驛書開繡箱香案迎門拜
身著朝衫止此回

又

山村處處晴收麥鄰曲家家午曬絲正用此時身得謝
十分壽酒不須辭

又

白髮三朝執戟郎賜骸偶值歲豐穰
村東已種千畦麥舍北新添百本桑

又

老民一日脫朝衣回首平生萬事非
赤腳婢沽村釀去平頭奴馭草驢歸

又

一生病鶴寄樊籠此去鴻冥萬里空
未論尊羨與羊酪

新杭要勝太倉紅

又

沉鬚分已錢餘生造物奇留未遣行今日下牀還健在
一編來就小窗明

又

清靜全勝欲界天逍遙不減地行仙衆中莫怪人嫌老
十五年前本命年

又

一盂麥飯掩柴關坐久不堪腰脚頑拖得瘦藤閒信步

小橋東北望螺山

又

問門前客元無迹諛墓中人本不工猶有鄰僧能送米
未妨竊比玉川公

又

歸耕所願雜民編乍脫朝衫喜欲顛但得吾兒能力穡
不請半俸更超然

又

湘湖蓴菜勝羊酪
項里楊梅敵荔枝
八帙開來今過半

一杯引滿若為辭

又

不嫌雞瘦濁醪酸
草草杯盤具亦難
食指忽搖方竊喜

小兒來請賽都官

又

甌中白飯出新春
瓮裏黃齋細筆葱
一飽坐兼南北美
始知造物念衰翁

又

多事車前要八騶老人惟與一藤遊未教變化為龍去
更踏人間萬里秋

讀後漢書

賛春老子吾所慕垂世文章寧在多詩不刪來二千載
世間惟有五噫歌

又

季英行年九十八猶灌園蔬授六經我欲圖之置齋壁

世無顧陸善丹青

新裁道帽示帽工

故帽提攜二十霜別裁要作退居裝山人手段雖難及
老子頭圍未易量花挿露霑那暇惜塵侵鼠齧却須防
裹時嬾復呼兒問一匝菱花每在傍

新製道衣示衣工

良工刀尺製黃綢天遣家君樂聖時著上朱門應不稱
裁成烏帽恰相宜客擰小艇招垂釣僧掃虛窗約對棋

寶帶貂冠雖看好定知不入野人詩

兩翁歌

君不見塞上失馬翁馬去安知不為福又不見新豐折
臂翁臂廢身全老鄉國陸翁多難類兩翁著書滿屋身
愈窮十年力耕遇水旱老不能耕年始豐人言翁窮可
閑笑霍食鶴衣天所料翁方自謂實幸民對人抱膝惟
清嘯即今羣公佐明主長劍柱顧來接武向非老病又
不才縱欲歸休寧見許

五月中連夕風雨氣候如高秋枕上有賦

擁被微吟短鬢秋孤燈殘漏共悠悠雨聲不貸三更夢
酒力寧禁萬里愁身寄湖山鄰剡曲心遊河嶽過關頭
世間可恨知多少虛弊當年季子裘

前詩感槩頗深猶吾前日之言也明日讀而悔之
乃復作此然亦未能超然物外也

身世今如一老僧病餘殘髮雪鬍鬢湖桑埭下漁舟兩
道樹山前野店燈澗水潺湲供洗鉢松風蕭颯入行縢

世人欲覓何由得覲面相逢喚不應

雨後過近村

賦罷淵明歸去來紵衣桐帽一時裁歲華新筍初成竹
天氣停雲未斷梅江路醉歸常嵬峩我僧窗閒過即徘徊
老人剩有凋年感寄語城笳莫苦催

銘座

天下本無事庸人實擾之吾身本無患衛養在得宜一
毫不加謹百疾所由滋人生快意事噬臍莫能追汝顧

不少忍殺身常在斯深居勿妄動一動當有思每食視本草此意未可喚賦詩置座右終身作元龜

致仕後述懷

彈冠紹興末解組慶元中灑澑危塗過邯鄲幻境空閒傳相牛法醉挾鬪雞翁衝雨歸來晚山花滿笠紅

又

壯歲江湖去還朝六十餘輩流俱已盡勲業固知疎遽走寧默哭長閒祗荷鋤如今更何憾終作愛吾廬

又

生理雖貧甚胸中頗浩然常辭問字酒屢却作碑錢寧
有駱堪鬻尚無車可懸小須梅雨霽散髮醉江天

又

昔自臺郎斥頻年因負薪四叨優老祿十送故鄉春衰
瘁寧知活蕭條敢厭貧惟思逢樂歲擊壤學堯民

又

韋布還初服蓬蒿卧故廬所慙猶火食更恨未巢居叱

叱驅黃犢行行跨白驥交親各強健不必問何如

又

店店容賒酒家家可乞漿白陂時雨足綠樹午陰涼病
為休官減門緣謝客荒今朝遇鄰叟滿意說豐穰

蝶

庭下幽花取次香飛飛小蝶占年光幽人為爾憑窗久
可愛深黃愛淺黃

戲贈酒榼

老去卧湖海白髮朝朝新賴有小道士時來中聖人形
模雖簡古風味絕清真何當秋雨夕傾倒見情親

題菴壁

破屋颺颺雀鼠穿邇來四壁愈蕭然錢多孰謂可使鬼
人衆何嘗能勝天禿尾驢遊雲外寺長鬚奴引竹間泉
更餘一事猶當勉讀易從今十絕編

又

孤村寂寂潮生浦小院昏昏雨送梅蔬食一簞宜面槁

畏塗九折自心灰古人骨朽有書在今雨泥多無客來
散髮陽狂非寄傲世間萬事本悠哉

泛舟澤中夜歸

無窮煙海接空濛秦望稽山醉眼中虹斷已收千嶂雨
鶴歸正駕九天風漁舟容與橫沙際水鳥號鳴傍葦叢
興盡還家忽三鼓半輪殘月斗杓東

書嬾

此身不覺老侵尋殘髮蕭蕭雪滿簪那有新詩書觸目

亦無閒話問安心塞垣西戍茫如夢省戶東歸病至今
一嬾便知生世了午窗酣枕敵千金

晨起

清晨推枕起盥面吾事足豈無掃灑役出市待歸僕小
飧亦已省尚進藥盈掬整衣登北堂危坐巾一幅徐行
梧楸陰愛此雨餘綠幽鳥東山來鏘鳴若琴筑靜聽興
未闌婢子報飯熟欣然往從之寧計食不肉

夜坐

仲夏苦鬱蒸既夕熱未解浴罷坐柴門汲井痛掃灑覆
野天穹穹垂地星磊磊明河落無聲北斗低飲海三更
缺月升草木盡光彩漁舟在何許斷續聞欸乃百憂集
老境坐歎雙鬢改誰能擁雕戈遺虜何足醢

白樂天詩云倦倚繡牀愁不動緩垂綠帶鬢鬟低
遼陽春盡無消息夜合花前日又西好事者畫之
為倦繡圖此花以五六月開山中多于茨棘人殊
不貴之為賦小詩以寄感歎

王室東遷歲月賒
兩京漠漠暗胡沙
繡牀倦倚人何在
風雨漫山夜合花

蜉蝣行

蜉蝣至細能知時
春風煊雨占無遺
蜻蜓滿空乃不知
庭除一出無歸期
樂哉蜻蜓高下飛
蜉蝣未盡何憂飢
簷間蜘蛛亦伺汝
吐絲織網腹如鼓

望霽

夜雨勿厭空階聲
天公欲作明朝晴
明朝甲子最畏雨

榜舟入市聞古語今年雨暘俱及時麥已入倉雲四垂
雨來不駛亦不遲大點如菽細如絲徐徐雲開見杲日
晚禾吹花早禾實但令有米送官倉豆飯藜羹甘似蜜
久雨路斷朋舊有相遇者皆不能進

今年風雨多平陸成沮洳吾廬地尤下積水環百步客
從城市來熟視却復去僮奴笑欲倒繖屐知無路計其
各還家對竈燎衣袴嗟予久退藏蓬蘽生庭戶誰如數
子賢襄飯肯來顧清言雖不接亦足慰遲暮

散步至三家村

湖桑埭
西村名

人情簡朴古風存暮過三家水際村見說終年常閉戶
仍聞累世自通婚胥船歸處魚飧美社瓮香時黍酒渾
記取放翁扶杖處渚蒲烟草溼黃昏

村東晚眺

興來信步過東坡最愛村東物象奇藤杖穿雲秋望處
葛衣霑露夜歸時殘聲淒斷蟬移樹孤影荒寒鵠遙枝
自揣今年還得飽一川新稻已離離

又

飽食無營過暮年
筇杖到處一蕭然
清秋欲近露霑草
新月未高星滿天
遠火微茫沽酒市
叢蒲塞窄釣魚船
哦詩每恨工夫少
又廢西窗半夜眠

露坐

星稀避月明
河白映天青
入夜蟬愈急
先秋葉自零
花枝栖露蝶
簾罅度風螢
欲喚隣翁坐
漁舟醉不醒

又

落月無留照殘河亦已傾墜枝雙鵠裏黏草一螢明暑
令忘三伏涼颼逼五更為憐荷鴻露故起繞池行

致仕後歲事有望欣然賦詩

聖時恩厚賜餘生日與鄉間樂太平已棄胡牀無長物
尚攜拄杖有同行新裁烏帽人爭看小摘青蔬手自烹
買得水車無用處絕知造物相歸耕

夜聞姑惡

湖橋東西斜月明高城漏鼓傳三更釣船夜過掠沙際

蒲葦蕭蕭姑惡聲湖橋南北烟雨昏兩岸人家早閉門
不知姑惡何所恨時時一聲能斷魂天地大矣汝至微
滄波本自無危機秋菰有米亦可飽哀哀如此將安歸

村舍雜書

我本杞菊家桑苧亦吾宗種蔬日成列喜過萬戶封今年夏雨足不復憂螟蟲歸耕殆有相所願天輒從

又

中春農在野蠶事亦隨作手種臨安青桑名可飼蠶百箔

累累繭滿簇繹繹絲上復老子雖安眠衣帛可無怍

又

舍北作蔬圃敢辭灌溉勞輪囷瓜瓠熟珍愛敵豚羔晨
飧戒厨人全項淨去毛雖云發客笑亦足慰老饕

又

舍南種胡麻三日幸不雨晨起親按行已見青覆土窮
人如意少喜色漏眉宇兒童勿惰偷造物不負汝

又

五月新麪成六月甘瓜熟作麴及良時火見金始伏懸
知桑落後醅面釀如粥再拜謝天公無功叨美祿

予家釀用

宛丘瓜
麴法

又

折蓮釀作醯采豆治作醬開厯揆日時汲井滌瓮盎上
奉時祭須下給春耕餉咨爾後之人歲事不可曠

又

東山石上茶鷹瓜初脫羈雪落紅絲磧香動銀毫甌爽

如聞至言餘味終日留不知葉家白亦復有此不

又

逢人乞藥栽鬱鬱遂滿園玉芝來天姥黃精出雲門丹
生雨後吐綠葉風中翻活人吾豈能要有此意存

又

我居大澤中一舟不可無短蓬挾兩槳疾若波中鳬來
往菰蘆村案行瓜芋區浮家亦可樂何必愛吾廬

又

軍興尚戎衣冠帶謝褒博禿巾與小東顧影每懷怍及
今反士服始覺榮天爵出入阡陌間終身有餘樂

又

讀書乃一癖我亦不自知坐書窮至老更欲傳吾兒吾
兒復當傳百世以為期君看北山公太行尚可移

又

爵祿九鼎重名義一羽輕人見共如此吾道何由行湖
山有一士無人知姓名時時風月夕遙聞清嘯聲

逃暑小飲熟睡至暮

桑落香浮槲葉杯甘瓜綠李亦佳哉虛堂頓解汗揮雨
高枕俄成鼻殷雷靜聽風聲生檻竹徐看日影轉庭槐
晚涼更動扁舟興北渚紅蕖已半開

又

槐影桐陰欲滿廊綸巾羽扇自生涼新筍玉瀣陳雙榼
平展風猗可一牀馳騎遠分丹荔到大盆寒浸碧瓜香
湖邊誰謂幽居陋也愛迢迢夏日長

夜坐庭中達旦

老矣常嗟去日邇
病來更覺此生浮
庭花無影月當午
簷樹有聲風報秋
足倦獨行驚踴踔
髮稀久坐怯颼颼
雞號日出閒無事
又向清溪弄釣舟

讀前輩詩文有感

我無前輩千鈞筆
造物爭功謝不能
已分文章歸委靡
可憐意氣尚憑陵
鸞旗廣殿晨排仗
鐵馬黃河夜踏冰
此事要須推大手
蟬嘶分付與吳僧

自嘲

天公大度一何奇
養此無能老白癡
宿疾閒愁俱掃盡
美餐甘寢更無時
蛙鳴庭草何曾問
水半門扉亦不知
道似嬰兒猶有恨
小軒風月獨哦詩

余讀元次山與瀼溪鄰里詩意甚愛之取其間四句各作一首亦以示予幽居鄰里

峯谷互回映

非起成孤峯東蟠作幽谷中有十餘家蘆藩映茆屋土

肥桑柘茂雨飽麻豆熟比鄰通有無井稅先期足煙中

語相答月下歌相續兒童不識字未必非汝福

張芸叟過鄭公

故莊詩曰兒童不識字耕稼鄭公莊

誰家無泉源

泉聲百步聞泉脉高下通潺湲亂雲外屈曲明月中八
月稻登場引之作機春羨流灌蔬畦全家飽芥菘洗沫
及澣濯蚤莫靡不供斗水百憂寬悲哉杜陵翁

夾路多脩竹

黃茆持覆屋溪石運作垣桑麻有餘地家家養龍孫春
雷初起蟄切玉供盤飧一朝解風籜竅鍼蒼雲屯我來
倚柱杖恐是辟疆園千畝倘可致封君何足言

扁舟皆到門

千錢買輕舟不復從人借樵蘋晨入市鹽酪夕還舍豈
惟載春秧亦足獲秋稼有時醉村場老稚相枕藉常侵
落月行不畏惡風嚇無為詫軒車此樂予豈暇

東山避暑用轆轤體

避暑穿林隨所之一奴每負胡牀隨望秋槁葉有先墮
未暮赫日無餘暉輪囷離奇澗松古釣輶格磔蠻禽悲
北巖竹間最慘慄清歎倚石真忘歸

喜雨

六月二

十七日

去年禹廟歸梅梁今年黑虹見東方巫言當豐十二歲
父老相告喜欲狂挿秧正得十日雨高下到處水滿塘
六月欲盡日杲杲造物已命摧驕陽夕雲如豚渡河漢
占書共謂雨至祥南山雷車載膏澤枕上忽送聲淋浪

猛思濁酒大作社更想紅稻初迎霜六十日白最先熟

食新且領晨炊香

六月白稻名常以六月下旬熟

得故人書偶題

小築稽山下狂歌剗曲傍鄉鄰共雞黍童稚學農桑白首餘年促青編後日長此心誰復謀三歎付書囊

喜雨歌

不雨珠不雨玉六月得雨真雨粟十年水旱食半菽民伐桑柘賣黃犧去年小稔已食足今年當得厭酒肉斯

民醉飽定復哭幾人不見今年熟

老學菴井

老學菴井六月寒如冰大旱不涸雨不增凜如人以
常德稱日濟千人不驕矜置而不汲渠自澄轆轤三丈
青絲繩對之已足涼肺膚使我終日卧曲肱顧謂此井
真良朋蕩除炎歎却塵垢宜有鬼神來護守嗚呼涇水
一石泥數斗正使逢時亦何有

長歌行

我無四目與兩口但在人間更事久死生元是閑閻眼
禍福正如翻覆手消磨日月幾絪屐陶鑄唐虞一杯酒
既非狗馬要蓋帷那計風霜悴蒲柳竈突無烟今又憒
龜蟬與我成三友判知青史無功名只用忍飢垂不朽

七月二日夜賦

鄙人志趣在漁樵四十年來負聖朝本恥彈冠良易挂
未嘗刻印敢煩銷盈盈微月生江渚嫋嫋清笳下郡譙
衰病逢秋真一洗井牀桐葉已先飄

自述

二畝新蔬圃三間舊草堂病除身小健秋近夜微涼薄
酒時醒醉殘書半在亡老懷常自笑無事勿悲傷

又

睡美不知旦氣衰先覺秋有時浮小艇隨意宿滄洲未
恨名風漢惟求拜醉侯更須多種竹搔首送悠悠

項羽

八尺將軍千里驅拔山扛鼎不妨奇范增力盡無施處

路到烏江君自知

曹公

二袁劉表笑談無眼底英雄不足圖赤壁歸來應嘆息
人間更有一周瑜

劍南詩橐卷三十九

謹案卷三十八第十四頁後五行廉宣卧寢松楠

老刊本宣訛先據唐宋詩醇改

第二十二頁前四行黎明人起換鍾馗刊本黎訛

梨今改

卷三十九第十一頁前八行噬臍莫能追刊本臍

訛齊今改

第十八頁前四行亦足慰老饕刊本慰訛尉今改

欽定四庫全書

一